



Broj: 2-81/12
Sarajevo, 30.08.2012. godine

Informacija o realizaciji ljetovanja u 2012. godini

U cilju ostvarenja kontinuiteta značajne programske aktivnosti u kojoj su učestvovali članovi Udruženja, nevladine organizacije i ustanove koje brinu o djeci i mladim s posebnim potrebama, u 2012. godini realizovana su slijedeća ljetovanja:

1. Na Festivalu Dani Sarajeva u Beogradu, po pozivu Inicijative mladih za ljudska prava Sarajevo, učestvovalo je 5 člana Udruženja, maja 2012. godine, u trajanju od 5 dana. Program Festivala obuhvatio je kulturno-umjetničko predstavljanje Bosne i Hercegovine uz debate na temu konflikta balkanskog prostora devedesetih godina XX stoljeća i aktuelne teme iz djelovanja nevladinog sektora u cilju unaprijeđenja odnosa Republike Srbije i Bosne i Hercegovine. Troškovi boravka u Beogradu u iznosu 2.500 KM podmireni su sredstvima organizatora.

2. Ljetovanje na Boračkom jezeru, u saradnji s Odredom izviđača „Neretva“ Konjic, realizovano je sa 245 učesnika iz Goražda, Sarajeva, Bakovića, Visokog, Križevića-Zvornik, Fojnice, Novog Travnika i Konjica od 08 do 22. jula 2012. godine.

Tokom ljetovanja realizirani su edukativni, sportsko-rekreativni i zabavni sadržaji, i na primjeren način obilježen je 11. juli - Evropski dan sjećanja na genocid u Srebrenici.

Podatak da su učesnici ljetovanja iz Udruženja "Obrazovanje gradi BiH" bili zastupljeni sa oko 30 % ukazuje na nedovoljan interes stipendista za ljetovanje na Boračkom jezeru.

Inače, pored nedovoljne zainteresiranosti za ljetovanje na Boračkom jezeru, ponašanje članova Udruženja u pogledu discipline nije bilo na nivou renomea Udruženja.

Radi ponovljenih disciplinskih prekršaja načelnik Štaba ljetovanja izrekao je Tariku Turulji mjeru isključenja s ljetovanja. Pored toga, predložio je da se Tariku Turulji, Nerminu Pločo, Amiru Agiću i Anelu Horo iz Udruženja „Obrazovanje gradi BiH“, kao i Sanelu Beganoviću i Harisu Husiću iz ORI „Budi mi prijatelj“ Visoko uskrati učešće na ljetovanju u 2013. godini.

Uz primjernu disciplinu, naročito zalaganje u realizaciji edukativnih sadržaja ispoljili su volonteri Crvenog krsta/križa Općine Novo Sarajevo, s preporukom Štaba ljetovanja za nastavak saradnje u narednom periodu.

Troškovi ljetovanja u iznosu 31.140 KM podmireni su sredstvima stranih i domaćih donatora u novcu i robama, sredstvima Udruženja, participacijom organizacija/ustanova izvan strukture Udruženja i oslobađanjem obaveze plaćanja boravišne takse od Turističke zajednice HNK, Podružnica Konjic-Jablanica.

3. Ljetovanje u Grenoblu, Francuska, sa 8 učesnika u trajanju 9 dana, avgusta 2012. godine, u organizaciji Asocijacije Emmaus iz Grenobla. Realizacijom programa ljetovanja učesnici su posjetili Lion, Šamberi, Veneciju i Grenobl, i uz obilazak kulturno-historijskih spomenika upoznali su specifičnost organiziranosti i djelovanja Asocijacije Emmaus. Učesnici ljetovanja ostvarili su jedan radni dan u radionicama Asocijacije Emmaus, a u svim prilikama ispoljili su zavidan nivo discipline, te su od vođe grupe preporučeni za ponovno učešće u ovoj i sličnoj aktivnosti Udruženja. Prijevoz učesnika realiziran je kombijem Udruženja

Troškovi ljetovanja, uključujući putarinu i gorivo u iznosu 10.000 KM izmireni su sredstvima Asocijacije Emmaus iz Grenobla i Udruženja.



Zaključak

Na ljetovanju u 2012. godini boravilo je ukupno 258 učesnika - članova Udruženja, romskih organizacija, organizacija i ustanova koji brinu o osobama s posebnim potrebama, sportskih organizacija, volontera Crvenog krsta/križa, edukatora i Odreda izviđača „Neretva“ Konjic.

Ljetovanja su realizirana u maju, julu i avgustu u ukupnom trajanju od 28 dana.

Planski rad i raznovrsne aktivnosti tokom ljetovanja kod učesnika su doprinijeli razvijanju prijateljstva, smisla za kolektivni život i rad, vjerskoj i etničkoj toleranciji, pozitivnim moralnim osobinama i stjecanju novih poznanstava, korisnih znanja i vještina, i jačanju ugleda Udruženja u Bosni i Hercegovini i inozemstvu.

S gledišta discipline i ostvarivanje ciljeva ljetovanja na Boračkom jezeru, za razliku od drugih učesničkih grupa, stipendisti Udruženja nisu pokazali zahtijevani nivo odgovornosti.

U cjelini, ljetovanja mogu se ocijeniti uspješnim, uz napomenu da je u narednom periodu potreban selektivan pristup u izboru učesnika Udruženja „Obrazovanje gradi BiH“.

Ukupni troškovi ljetovanja iznosili su 43.640 KM podmireni su novčanim i robnim donacijama nevladinog i poslovnog sektora iz BiH i inozemstva i participacijom organizacija/ustanova za ljetovanje na Boračkom jezeru, uključujući namjenske troškove Udruženja "Obrazovanje gradi BiH".

Udruženje je izmirilo sve obaveze prema davaocima usluga prijevoza, smještaja i ishrane.

Izvještaj sačinio

Mehmed Agić